

# ჰარუკი მურაკამი

კომანდორის  
მკვლევობა

თარგმნა თამარ სუბელიანმა



სულაკაურის  
ბაიოცენტრობა

ჰარუკი მურაკამი  
კომანდორის მკვლელობა  
რომანი

მთარგმნელი თამარ სუბელიანი  
რედაქტორი ელენე ბერიაშვილი  
ყდისა და შიგთავსის დიზაინერი ია მახათაძე  
ტექნიკური დიზაინერი თინათინ ბერბერაშვილი

ქართული გამოცემა © ბაკურ სულაკაურის გამომცემლობა, 2021  
ყველა უფლება დაცულია.

შპს „ბაკურ სულაკაურის გამომცემლობა“  
დავით აღმაშენებლის 150, 0112 თბილისი  
ტელეფონი: 291 09 54, 291 11 65  
ელფოსტა: info@sulakauri.ge

ISBN 978-9941-30-838-3

**Haruki Murakami**  
**KISHIDANCHŌ-GOROSHI (KILLING COMMENDATORE)**  
A Novel

Copyright © 2017 by Haruki Murakami  
All rights reserved.

Cover design by Ia Makhataдзе  
Georgian edition © Sulakauri Publishing, 2021

www.sulakauri.ge

ნაწილი პირველი  
იდუის განკაცება

## პროლოგი

დღეს, თვლემას რომ თავი ნავართვი, წინ უსახო კაცი დამიხვდა. სკამზე იჯდა, იმ დივნის წინ, სადაც მოკალათებულს მეძინა და წარმოსახვითი თვალებით შემომყურებდა.

კაცი მაღალი იყო და ისე ეცვა, როგორც ბოლო შეხვედრისას. სახეზე, რომელიც სახე არ იყო, შავი ფართოფარფლებიანი ქუდი ნახევრად ჰქონდა ჩამოფხატული და გრძელი, ასეთივე მუქი პალტო ემოსა.

\*

– აქ იმიტომ მოვედი, რომ ჩემი პორტრეტი დახატო, – უსახო კაცმა მას შემდეგ მითხრა, რაც დარწმუნდა, რომ გამოვფხიზლდი. ხმა დაბალი, გულგრილი და მშრალი ჰქონდა, – პირობა გაქვს მოცემული, დაგხატავო. ხომ გახსოვს?

– დიან, მახსოვს. მაგრამ ვერ დაგხატავ, ქალაღი თუ არ მექნა, – ჩემი ხმაც განცდებს მაღავდა, – მაშინ ამის მაგივრად პინგვინის პატარა თილისმა დაგიტოვე.

– მახსოვს, მახსოვს. თან წამოვიღე, – თქვა და მარჯვენა ხელი გამომინოდა.

ხელში, რომელიც უჩვეულოდ გრძელი ჰქონდა, პლასტმასის პატარა პინგვინი ეჭირა. ასეთ ნივთს ავი თვალისგან დასაცავად მობილურის საკიდს გამოაბამენ ხოლმე. კაცმა პატარა პინგვინს ხელი გაუშვა. თილისმა შუშის მაგიდაზე ხმაურით დაეცა.

– ამას გიბრუნებ. შეიძლება გამოგადგეს. ეს პატარა პინგვინი იმათ თილისმად იქცევა, ვინც გიყვარს და ვისაც დაცვა სჭირდება. სანაცვლოდ მინდა ჩემი პორტრეტი დახატო.

ამის გაგონებაზე შევცბუნდი.

– მესმის შენი, მაგრამ რა ვქნა. აქამდე უსახო ადამიანის პორტრეტი არასდროს არ დამიხატავს.

ყელი გამიშრა.

– როგორც მსმენია, პორტრეტების ხატვის განსაკუთრებული ნიჭით ხარ დაჯილდოებული. თან ყველაფერს თავისი დრო აქვს, – მითხრა უსახო კაცმა და გაიცინა. ყოველ შემთხვევაში, მე ასე ჩავთვალე. მისი სიცილი მაღაროს სიღრმეში მქროლავი ქარის კვილს ჰგავდა.

კაცმა ქუდი მოიხადა, რომელიც მანამდე ნახევარ სახეს უფარავდა. იქ, სადაც სახე უნდა ჰქონოდა, არაფერი იყო, მხოლოდ და მხოლოდ ნისლის დუნე მორევი ჩანდა.

ავდექი, სახელოსნოდან ესკიზების ალბომი და რბილი ფანქარი გამოვიტანე. ისევ დივანზე ჩამოვჯექი და მოვემზადე უსახო კაცის პორტრეტის შესაქმნელად. წარმოდგენა არ მქონდა, ხატვა როგორ დამეწყო. სახის ნაცვლად ხომ მხოლოდ სიცარიელე ჰქონდა. როგორ უნდა მიმეცა ფორმა იმისთვის, რაც არ არსებობდა? რძისფერი ნისლი, სიცარიელეს რომ ერტყა გარშემო, ფორმას გამუდმებით იცვლიდა.

– ჯობს დააჩქარო, – მითხრა უსახო კაცმა, – აქ დიდხანს ვერ დავრჩები.

გული ნელა მიცემდა. დიდი დრო არ მქონდა. უნდა მეჩქარა. მაგრამ თითები, რომლითაც ფანქარი მეჭირა, ჰაერში გაუნძრევლად ეკიდა. თითქოს მაჯის ქვემოთ მთელი ხელი მომწყვეტოდა. ადამიანები უნდა დამეცვა, მე კი არაფრის ძალა არ შემწევდა, გარდა ხატვისა. და, ამის მიუხედავად, ახლა არაფრით არ შემეძლო ხატვის დაწყება.

იმ ნისლში ჩავაშტერდი.

– ვნუხვარ, მაგრამ შენი დრო გავიდა, – მითხრა უსახო კაცმა ცოტა ხნის შემდეგ. თავისი უჩინარი პირიდან ღრმა ოხვრა ამოუშვა, რაც მდინარის თავზე მკრთალი ნისლის ლივლივს ნააგავდა.

– გთხოვ, მაცალო. ცოტა მეტ დროს რომ მომცემდე...

კაცმა შავი ქუდი დაიხურა, სახის ნაწილი ისევ დამალა.

– ერთ დღესაც ისევ გესტუმრები. იქნებ მაშინ შეძლო ჩემი დახატვა. მანამდე კი ამ პინგვინის თილისმას დავიტოვებ.

\*

და გაუჩინარდა. როგორც ბურუსს განდევნის უეცრად მობერილი გამახალისებელი სიო, ისიც ისე გაიფანტა ჰაერში. დარჩა მხოლოდ თავისუფალი სკამი და შუშის მაგიდა. პინგვინის ავგაროზი მაგიდაზე აღარ იდო.

ეს ყველაფერი მოკლე სიზმარს ჰგავდა. მაგრამ კარგად ვიცოდი, რომ ასე არ იყო. ეს თუ სიზმარი იყო, მაშინ ის სამყარო, რომელშიც ვცხოვრობ, მთლიანად სიზმარი უნდა ყოფილიყო.

\*

იქნებ ოდესმე შევძლო და არარას პორტრეტი დავხატო. იმ სხვა მხატვარივით, რომელმაც „კომანდორის მკვლელობა“ შექმნა. მაგრამ ამისთვის დრო დამჭირდება. დრომ კი ხელი უნდა შემინყოს.

# 1

## თუ ზედაპირი დაბურულია

მაისიდან მომდევნო წლის დასაწყისამდე იმ მთის წვერზე ვიცხოვრე, რომელიც ვინრო ხეობის შესასვლელთან ახლოსაა. ზაფხულობით ხეობის სიღრმეში გაუთავებლად წვიმდა, თუმცა ხეობის გამოღმა უმეტესად მზე ანათებდა, რაც ოკეანიდან მობერილი სამხრეთ-დასავლეთის ქარით იყო გამოწვეული. საავდრო ღრუბლებს ქარი ხეობაში ერეკებოდა და ფერდობებს შორის გზის გაკვალვისას წვიმაც იწყებოდა. სახლი ზედ გამყოფ ხაზზე იდგა, ამიტომ სშირად წინ თუ მზე ჩახჩახებდა, სახლის უკან თავსხმა წვიმა იყო. თავიდან ამინდის ამგვარი გაორება მამბნევდა, მაგრამ თანდათან იქაურობას გავუშინაურდი და უჩვეულოდ არაფერი აღარ მეჩვენებოდა.

მთებს იალტიალი ჰქონდა შემორტყმული. ქარაშოტი რომ ამოვარდებოდა, ღრუბლის ეს ქულები წარსულის მოხეტიალე აჩრდილებივით მთების გარშემო უმიზნოდ იწყებდნენ ფარფატს, თითქოს მიძინებულ მოგონებებს იხსენებნენ. ქარბუქი თეთრი წვიმის თქემს თოვლის ნამქერივით ატრიალებდა. და რადგან ქარი იშვიათად ჩადგებოდა ხოლმე, ზაფხულში ჰაერის კონდიციონერის გარეშეც იოლად გავიტანე თავი.

პატარა და ძველ სახლს უკანა მხრიდან ფართო ბალი ერტყა. რადგან არავინ უვლიდა, იქაურობა მალალ-მალალ ბალახბულახს დაეფარა და კატების ოჯახს თავშესაფრად ექცია. როდესაც მებალე მოვიდა ბალახის მოსათიბად, კატების ოჯახი სადლაც გაიხიზნა. აღბათ, სააშკარაოზე იგრძნეს თავი. ოჯახში ზოლიანი დედა კატა და სამი კნუტი იყვნენ. დედა კატა გალეული და ისეთი პირმკაცრი იყო, თითქოს მიძიმე ცხოვრება გამოეველო.

სახლი მთის წვერზე იდგა და, აივანზე გასული, სამხრეთით, ტყეებს შორის, ოკეანეს ვხედავდი. აქედან ოკეანე ხელსაბანი თასისოდენა, უზარმაზარი წყნარი ოკეანის ერთი ციდა ჩამონათალად მოჩანდა. ნაცნობმა უძრავი ქონების აგენტმა მითხრა, რომ თუ სახლიდან ოკეანის

ნანილი ისე მოჩანს, როგორც იქიდან, ესეც კი მიწის ფასს რადიკალურად ცვლის. აი, მე კი ოკეანის ხედის დარდი არ მქონდა. ერთი მისხალი სილურჯე გახვრეტილ გროშად არ მილირდა. სხვებისთვის რატომ იყო ამდენად მნიშვნელოვანი ხედი ოკეანეზე, ჩემთვის გამოცანად რჩებოდა. ბევრად მერჩივნა, გარშემორტყმული მთებისთვის მეცქირა. ხეობის გარშემო მთები მუდმივად იცვლებოდა, გარდაიქმნებოდა სეზონებისა და ამინდის მიხედვით. ამ გარდასახვებზე თვალის დევნება არასდროს მბეზრდებოდა.

\*

იმ დროს ცოლთან გამოჩენილი ვიყავი, განქორწინების საბუთები ხელმოწერილი და დამტკიცებული იყო, მაგრამ მოგვიანებით მომხდარმა მოვლენებმა გვიბიძგა იმისკენ, რომ კიდევ ერთხელ გვეცადა თანაცხოვრება.

ამის ახსნა არ გამომივა. მიზეზისა თუ შედეგის დადგენა, რა როგორ მოხდა, რას რა მოჰყვა, რამ რა გამოიწვია, ჩვენც კი გაგვიჭირდება, ვინც ეს ამბავი საკუთარ ტყავზე გამოვცადეთ, მაგრამ მაინც თუ საჭირო გახდება მომხდარის ერთი-ორი სიტყვით შეფასება, მომიწევს ისეთი ბანალური ფრაზის გამოყენება, როგორცაა „ერთმანეთს ვერ ავცდით“. თუმცა, ის ცხრათვიანი ნაპრალი ჩვენს მეორე ქორწინებამდე (სხვაგვარად რომ ვთქვათ, პერიოდი პირველი ქორწინების შეწყვეტიდან მეორე ქორწინების დაწყებამდე) იმ პირივით იყო დაღებული, რომლიდანაც ხორხი მოჩანს.

ცხრა თვე – ვერც კი ვხვდებოდი, ეს დრო განშორებისთვის ხანმოკლე იყო თუ ხანგრძლივი. ზოგჯერ, უკან რომ მივიხედავ, მეჩვენება, რომ ეს დრო უსასრულოდ გავრძელდა, მაგრამ თან თითქოს ელვის სისწრაფით გაირბინა. ეს იმაზე იყო დამოკიდებული, რას როგორ შევხედავდი. ზოგჯერ, როდესაც ადამიანები რამეს ფოტოს უღებენ, მის გვერდით სიგარეტის კოლოფს დადებენ ხოლმე, რომ მნახველს საგნის ზომაზე წარმოდგენა შეუქმნან, მაგრამ სიგარეტის კოლოფის ზომა ჩემს მეხსიერებაში არსებულ ხატებთან შედარებით ხან იზრდებოდა, ხან მცირდებოდა. ეს კი იმუამინდელ განწყობაზე იყო დამოკიდებული. როგორც მუდმივ დინებაში მყოფი საგნები თუ მოვლენები, ან პირიქით, მუდმივად დინებას შექვიდებულნი, ისიც, რაც საზომ ქვად უნდა ქცეულიყო ჩემს მეხსიერებაში, სამარადისო მოძრაობაში იყო.

განა ჩემი მოგონებები შემთხვევითი გახლდათ, ან მათი მნიშვნელობა



სურვილის მიხედვით იცვლებოდა?! ცხოვრება მეტწილად აუღელვებლად მიედინებოდა თავის კალაპოტში, რასაც ვერ ვიტყვი იმ პერიოდზე, ცოლს რომ ვიყავი დაშორებული, რადგან ის ხანა ჩემი არსებობის არცერთ სხვა დროს არ ჰგავდა. თითქოს მანამდე წყნარი ზღვის შუაგულში მივცურავდი და უეცრად იმ იდუმალ მორევში მოვყევი, რომელიც არსაიდან გაჩნდა.

უკან რომ ვიხედები (როგორც ხვდებით, ეს ისტორია რამდენიმე წლის წინ ხდებოდა), ზოგჯერ კავშირი მოვლენებს შორის იშლება, და საკმარისია, წამით მოვადუნო ყურადღება, რომ მაშინვე ირღვევა იმ ამბების თანამიმდევრობა, რომლებიც თითქოს ჩემს გონებაში წამით ადრე დალაგდა. ამის მიუხედავად, მინდა შეუძლებელი შევძლო და თავგადასავალი ლოგიკურად და თანამიმდევრულად გადმოგვცეთ. თუნდაც მთელი ეს მცდელობა უშედეგო აღმოჩნდეს, მაინც მინდა, რომ ყველგან ის საზომი ქვა გამოვიყენო, რომლის პოვნაც შეეძელი. დაე, იმ წყალწაღებულს დავემსგავსო, ზედაპირზე მოტივტივე ნაფოტს რომ ებლაუჭება.

\*

როგორც კი იმ სახლში საცხოვრებლად გადავედი, მაშინვე ერთი ძველი მანქანა ვიყიდე იაფად. მანამდე რაც მყავდა, ბოლო მოელო და ჯვართში ჩავაბარე. სხვა გზა არც მქონდა – რამე უნდა შემეძინა. გარეუბანში, მით უმეტეს, თუ მთის წვერზე განმარტოებით აპირებ ცხოვრებას, აუცილებლად დაგჭირდება მანქანა, რომ დროდადრო საყიდლებზე იარო. ოდავარას გარეუბანში მდებარე „ტოიოტას“ ცენტრს მივაკითხე და „კოროლას“ მარკის მსუბუქი მანქანა კარგ ფასად ვიშოვე. გამყიდველმა მტრედისფერი უწოდა, თუმცა ავადმყოფის გაფითრებული პირისახის ფერს უფრო ჰგავდა. მხოლოდ ოცდათხუთმეტი ათასი კილომეტრი ჰქონდა გავლილი, მაგრამ ერთხელ ავარიში მოხვდა, ამიტომ საწყისი ფასი საგრძნობლად იყო დაცემული. გამოსაცდელად გავატარე. მუხრუჭებს და ბორბლებს ვერაფერს დაუნუნებდი. რადგან მთავარ გზატკეცილზე ხშირად სიარულს არ ვაპირებდი, ვიფიქრე, რომ გამომადგებოდა.

სახლი მასაიკო ამაღამ მომაქირავა. მას ხელოვნების სკოლიდან ვიცნობდი – იქ ერთად ვსწავლობდით. ჩემზე ორი წლით უფროსი იყო და ადამიანთა იმ იშვიათ ჯგუფს განეკუთვნებოდა, ვისაც კარგად ვენცობოდი. ამიტომ უნივერსიტეტის დამთავრების შემდეგ არ დავკარგე

და დროდადრო ვნახულობდით ერთმანეთს. მასაიკომ სწავლის დასრულების შემდეგ მხატვრობაზე უარი თქვა და სარეკლამო სააგენტოში გრაფიკოს დიზაინერად დაიწყო მუშაობა. როდესაც შეიტყო, რომ ცოლს ვაგეშორდი და სახლიდან წამოვედი, დასარჩენი კი არსად მქონდა, მითხრა, რომ მამამისის ძველი სახლი ცარიელი იყო და შემომთავაზა, იქ მეცხოვრა, თან ეზო-კარისთვის მომეველო. მამამისი, ტომოიკო ამადა, ცნობილი იაპონელი მხატვარი გახლდათ. ჩემი მეგობრის მამის სახლი (რომელსაც სამხატვრო სახელოსნოც ჰქონდა) ოდავარას გარეთ, მთებში იყო აშენებული. ცოლის გარდაცვალების შემდეგ, დაახლოებით ათი წლის განმავლობაში, მხატვარს იქ თავისთვის მყუდროდ უცხოვრია. იმხანად მისთვის დემენციის დიაგნოზი დაესვათ და იძუ კოგენთან ახლოს მდებარე კერძო სამკურნალო დაწესებულებაში ჰყავდათ მოთავსებული. ასე რომ, სახლში ბოლო რამდენიმე თვის განმავლობაში არავინ ცხოვრობდა.

– სახლი თავისთვის დგას მთის წვერზე. მოსახერხებელი ადგილმდებარეობა არ აქვს, მაგრამ წყნარი ადგილია. ამის გარანტია შემოძლია მოგცე, – მითხრა მასაიკომ, – ხატვისთვის იდეალური გარემოა. ხელს არაფერი შეეიშლება.

მეგობარმა ნომინალური ქირა შემომთავაზა.

– სახლი ცარიელი თუ იქნება, სულ მოირღვევა. ვლელავ, ან ხანძარი არ გაჩნდეს, ან კარი არ გატეხონ. ვინმე თუ იცხოვრებს, აღარ ვიდარდება. ვიცი, თავს უხერხულად გავრძნობინებ, თუ არაფერს გადაგახდევინებ, ამიტომ დაბალ ქირას გთავაზობ, ოღონდ ერთი პირობით: შეიძლება სწრაფად მოგთხოვო იქაურობის დაცლა.

მანყობდა, რასაც მთავაზობდა. ყველაფერი, რაც კი მებადა, მსუბუქი მანქანის საბარგულში ეტეოდა, და თუ მასაიკო სახლის დაცლას მომთხოვდა, მეორე დღესვე შევძლებდი იქაურობის დატოვებას.

მაისის დასაწყისში, ოქროს კვირის დასრულებისთანავე გადავედი. სახლი ერთსართულიანი იყო, დასავლური სტილის მყუდრო კოტიჯეს წააგავდა, მაგრამ ერთი ადამიანისთვის ნამდვილად დიდი ჩანდა. საშუალო სიმაღლის მთის წვერზე იდგა, ტყეებით იყო გარშემორტყმული და თვითონ მასაიკომაც არ იცოდა, სად გადიოდა მის საკუთრებაში არსებული მიწის ნაკვეთის საზღვრები. უკანა ეზოში მაღალ-მაღალი მსხვილტოტებიანი ფიჭვის ხეები იდგა. აქა-იქ ბრტყელი ქვები ელაგა